

## KERATAN AKHBAR

TARIKH : 12 JANUARI 2023  
AKHBAR : BERITA HARIAN  
MUKA SURAT : 13

### Pekerja tempatan projek ECRL tak tepati sasaran kuota 70 peratus

# Pekerja tempatan projek ECRL tak tepati sasaran kuota 70 peratus

<p>Oleh M Faisal Kuala Lumpur</p> <p><b>Projek</b> Laluan Rel Pantai Timur (ECRL) menghubungkan Pelabuhan Klang dan Kota Bharu kini sudah mencapai fasa pembinaan melebihi 35 peratus dan dijangka memulakan operasi komersial pada Januari 2027.</p> <p>Projek infrastruktur pengangkutan terbesar negara ini menyasarkan untuk menggaji 23,000 pekerja pada puncak fasa pembinaan.</p> <p>Mengikut laporan kemajuan ECRL pada suku tahun ketiga 2022 yang dikeluarkan Malaysia Rail Link Sdn Bhd (MRL) baru-baru ini, jumlah keseluruhan pekerja sehingga November 2022 adalah 13,767.</p> <p>Dari pada jumlah itu 4,839 adalah pekerja tempatan, manakala pekerja asing yang terdiri daripada warga China dan negara lain adalah 8,928 orang.</p> <p>Angka ini menunjukkan peratusan pekerja tempatan pada tahap 35 peratus masih jauh dari pada sasaran kuota 70 peratus pekerja tempatan ditetapkan oleh MRL Sdn Bhd.</p> <p>Memberi keutamaan peluang kerja kepada rakyat tempatan membolehkan hasil gaji yang diperoleh dibelanjakan dan berlegar dalam negara berbanding jika menggaji warga asing yang sudah pasti menghantar sebahagian besar daripada pendapatan ke negara asal masing-masing.</p> <p>Usaha lebih giat perlu dibuat untuk mengga-</p>	<p>lukkan warga Pantai Timur dan Selangor merebut peluang kerja yang ditawarkan daripada peringkat pengurusan, kejuruteraan dan teknikal sehingga ke peringkat pekerja mahir dan separuh mahir pembinaan.</p> <p>Program Tanggungjawab Sosial (CSR) oleh China Communications Construction Company (CCCC) selaku kontraktor utama dalam menyediakan peluang latihan melalui Program Latihan Kemahiran Industri-ECRL (PLKI-ECRL) adalah satu inisiatif yang amat baik untuk melatih belia tempatan, terutama bekas graduan kejuruteraan dalam bidang teknologi rel termasuk</p>	<p>den dari China.</p> <p><b>Tawar kerja kepada bekas banduan</b> Diharap pihak kontraktor sudi mengambil bekas banduan di bawah program CSR untuk bekerja di projek ECRL bagi memberi peluang kedua kepada golongan ini, selain mengurangkan kebergantungan kepada pekerja asing.</p> <p>Pengalaman dan kemahiran yang diperoleh semasa bekerja di projek berimpak tinggi ini amat berguna sekali dalam membangunkan tenaga kerja berkemahiran tinggi untuk sektor pembinaan rel negara.</p> 
--	--	---